

新春习俗

今年玩法唔同咗?

一场疫情,令我哋嘅生活发生好大改变,连过年嘅习俗,都要变一变。以往好多我哋习惯要做嘅嘢,而家会有D咩唔同?改变之后,你又习唔习惯呢?不如今年新春,齐齐验证一下啦!

张杰玲 / 文 姚舜瑜 / 图



Before: 为看趁墟

每年嘅花街,除咗有花卖,仲有劲多新春搞怪商品。除咗买花装饰家居,好重要一点係去“趁墟”,感受一下花街浓厚嘅节日气氛。有D人仲会持着新鞋,攞住个风车行一圈祈求新年可以“转运”添。



行花街

After: 预订鲜花

今年人逼人嘅地方都係少去为妙,要买花、买年桔嘅话,提早预订就ok,唔使去花街同人争崩头,轻轻松松坐定定等收货就得! 想要“转运”,都可以买个风车,对着新鞋落街,去空旷D嘅地方转一转。

姐姐, 快递到!

5蚊包邮, 抵到烂!



Before: 超市疯狂扫货

大时大节,屋企人仿佛都会突然变得超级豪爽,去到超市猛扫扫货。虽然一开始只係论住买D过年相关嘅嘢,增添一下节日气氛。不过有时未必唔使嘅嘢,可能因为见到开心,或者咁啲有新春包装或者打折,都会好爽手咁买埋一份。



办年货

After: 上网落单就够

人同人与人之间减少咗来往,新年期间屋企唔使招呼咁多客人,要买嘢自然都少D,无形中又慳咗一笔! 而今年要买年货,都未必必要出门,一班长辈经过一年网购练习,都已经可以非常熟练咁上网买年货啦!

拼XX买嘢 真係抵到烂啊!



Before: 最紧要发达

每一年嘅挥春,无非都係嘅几味。比如“恭喜发财”“万事胜意”“龙马精神”“年年有余”等等,其中“恭喜发财”简直每家每户都会拥有。而特别D嘅,会入手当年生肖相关嘅挥春,“猪笼入水”“马到功成”等等都好常见,隔12年又可以重复用,好环保。



贴挥春

After: 祈求平安健康

经过一年时间,大家都体会到平平安安健康健康嘅重要性,所以新嘅一年,大家都会更like同佢哋相关嘅挥春。例如“出入平安”“身体健康”等等,应该会成为今年挥春大热! 当然,咁啲代表“恭喜发财”就out咗,佢嘅地位依然好高。



Before: 求其应付

“年廿八,洗邋遢”。无论係咩年廿八呢一日都好,大家都会唔新年前,同屋企进行一场大扫除。就算係一年到头比较懒搞卫生嘅人,都会愿意应付一下,执一执张台,扫一扫个地,等自己有D仪式感。



洗邋遢

After: 认真打扫

大家呢一年已经习惯咗,同酒精、消毒液等消毒清洁用品做好朋友。新嘅一年,佢哋又点会缺席? 今年大扫除,唔止执嘢扫地咁简单,仲要认真认真,抹干净屋企每一个角落。咁样过年,先至神清气爽,安心舒适。

等我擦干净佢!



Before: 出门食餐劲

每一年团年饭,都係大家最着紧嘅一餐,成年冇见嘅亲戚都会俾面出嚟聚一聚。而基本上比较好嘅酒楼餐厅,都会坐到爆棚。如果唔係提早book位,分分钟食西北风。另外,呢一餐都係有咁丰盛咁丰盛,鸡鸭鱼,当然唔少得“发财就手”!



团年饭


After: 宅家自己煮

今年团年饭,自己一家人齐齐整整,温馨小聚,其实都係唔错嘅选择。又唔使book位,又唔使赶住食完俾下一轮入席,佢哋好多。而且唔屋企自己煮,可以少盐少油少糖,食都食得健康D!



Before: 习惯性买新衫

过年买新衫,係每一年嘅常规操作。唔理你究竟係咪缺衫着,抑或屋企D衫其实已经多到爆棚,反正过年嘅时候大家就会变到“不可理喻”,点都要买新衫。而且因为係过年,通常大家都好自觉买红色衫,等自己化身利是封,够喜庆。



买新衫

After: 搵返上年件衫

上年因为疫情,好多人D新衫都有机会着出街。尤其是广东地区嘅朋友仔,过年通常都係买冬天衫比较多,但係到“重见天日”嘅时候,天气又慢慢开始热,所以D“新衫”,唯有继续放置,等到今年再搵返出嚟着咯。